

## Vakcine protiv COVID-19 — Informacije o zdravlju i sigurnosti na radu za radnike

### **Mogu li me prisiliti na vakcinaciju?**

Ne možete biti prisiljeni na vakcinaciju ili podvrgavanje bilo kakvom medicinskom postupku protiv vaše volje.

Međutim, u nekim slučajevima [javni zdravstveni nalozi](#) mogu biti izdani kojim se zahtijeva da budete vakcinisani da možete raditi u industriji visokog rizika. Pratite stalno savjete svoje zdravstvene službe.

### **Može li moj poslodavac zahtijevati da se vakcinišem protiv COVID-19 u skladu sa zakonima o zdravlju i sigurnosti na radu?**

Za većinu radnika, poslodavac neće moći zahtijevati da se vakcinišete, u skladu sa zakonima o zdravlju i sigurnosti na radu.

Međutim, postoje iznimke, pogotovo ako radite u industrijama u kojima postoji veći rizik od izloženosti. Mogu postojati i posebni [nalozi javnog zdravstva](#) koji od vas zahtijevaju da se vakcinišete.

Ukoliko poslodavac zahtijeva da se vakcinišete, mora vam dati informacije i materijale na osnovu kojih možete donijeti informiranu odluku. Ako vas nešto brine, razgovarajte sa svojim ljekarom. Za pomoć se obratite svom [regulatoru zdravlja i sigurnosti na radu](#), predstavniku za pitanja zdravlja i sigurnosti (HSR) ili organizaciji zaposlenika.

Za informacije o pravima na radnom mjestu, razgovarajte s [ombudsmanom za pravednost na radu \(Fair Work Ombudsman\)](#).

### **Što je s mojom dužnošću kao radnika u skladu sa zakonima o zdravlju i sigurnosti na radu? Da li to znači da moram primiti vakcinu?**

Kao radnik, morate razumno voditi brigu o sebi i ne raditi ništa što bi moglo negativno uticati na zdravlje i sigurnost drugih na poslu. Morate slijediti razumna zdravstvena i sigurnosna uputstva svog poslodavca onoliko koliko vam je to razumno moguće.

Ako postoji zakon ili javni zdravstveni nalog koji zahtijeva od vas da se vakcinišete, možda ćete se morati vakcinisati da možete raditi ili nastavili raditi u toj industriji.

### **Mora li moj poslodavac razgovarati sa mnom prije nego što bude zahtijevao vakcinaciju na mom radnom mjestu?**

Da. Ako vaš poslodavac razmatra politiku obaveznog vakcinisanja, mora se posavjetovati s vama i s vašim predstavnikom za zdravlje i sigurnost, ako ga imate, prije preuzimanja bilo kakvih radnji. Trebali biste im reći ako postoji razlog zašto ne možete primiti vakcinu.

### **Primio/la sam vakcinu. Moram li još uvijek preduzimati druge mjere predostrožnosti kao što su održavati fizičku distancu i prati ruke?**

Da. Sigurna i efikasna vakcina su dio održavanja sigurnosti i zdravlja zajednice. Nastavite preduzimati ove korake kako bi se spriječilo širenje COVID-19:

- slijediti naloge javnog zdravstva
- ne dolaziti na posao ako niste dobro, imate simptome COVID-19 ili vam je rečeno od strane zdravstvenih službenika da ostanete kod kuće
- raditi sve što razumno možete kako biste radili na siguran način, kao i pridržavati se kontrola koje su na snazi za COVID-19, kao što su fizičko distanciranje i čišćenje
- slijediti uputstva
- pitati ako niste sigurni kako obavljati posao na siguran način
- koristiti osobnu zaštitnu opremu (PPE), kao što su rukavice, na način kako vam je pružena obuka i kako su vam data uputstva da ih koristite
- prijaviti svaku nesigurnu situaciju svom nadzornom ili predstavniku za zdravlje i sigurnost

### **Više informacija**

- [Informacije o zdravstvu i vakcinama — Odjel za zdravstvo \(Department of Health\)](#)
- [Zdravlje i sigurnost na radu - Safe Work Australia](#)
- [Prava na radnom mjestu — Ombudsman za pravednost na radu \(Fair Work Ombudsman\)](#)